

Meeqqagut, inuusuttut, siunissaq.

Uanga kissaatigaara siunissapput pillugu iserfiginerusariaqaripput.

Inuusuttunut ullutsinnut susoqarneranut malinnaatitsinerusariaqarpugut.

Qanormi siuariartussagatta qitiutinngikkutsigu. Taamaaliornikkullu

anguneqarsinnaavoq allannguneq pitsanngorsaanerlu. Taannali

anguniarlugu inuusuttut eqqartueqatigineqaqqaartariaqarput **qanoq**

ullumikkut massakkullu ingerlasoqarnersoq **maani** Kalaallit Nunaanni.

Eqqartuinerusalerutta **aatsaat** nammineerlutik eqqarsalersinnaapput.

Naliginnaasutullu inissinneqarpat aamma amerlanerit sassarnissamut

sapiissusaat angunerulissaaq. Kinguneralu tassaasinnaavoq inuusuttut allallu allanngueqataasut.

Maani Kalaallit Nunaanni takussaasorujussuuvoq nunanik allaniik suliaartortut.

Tikkuartortarpagut. Uparuartortarpagut. Allatullu isigisarlugit.

Allaat pissusissamisut isigiinnalerlugu suliaartortitsineq.

Eqqarsaatigilaariarsiulli. Allat pillugit ajortussarsiuinnaraluarutta, qanoq siuariassagatta?

Uagununa nammineq kalaallit taanna aaqqitassarigipput.

Akisussaaffik nammineq tigusariaqarparput. Imminut qiviarluta,
uaguuvugut tassa allannguisussat.

Maaniuna suliumatussuseq, ilinniarneqanngitsullu amerlavallaartut.
Taannalu peqqutaalluni kalaallit nunaat ingerlaannarniassammat,
siuarniassammallu allaminngaanniik suliarortitsisariaqartartut ilai.
Meeqqagut ullutsinnut malinnanngitsut.

Iluamik eqqartueqatigineqanngittut.

Maaniuna kalaallit nunaanni suut aqqitassaasut? **Uagut** nammineq
iliuuseqarluta aqqitassagut.

Ukioq Kingulleq maani katuami saqqummiusorpassuit alakkarlugit, naapitsivunga GEUS-miik arnaq qallunaaq sulisoq. Marranik sikunillu maani kalaallit nunaanni misissuisartuupput. Taakkulu pingaaruteqartorujussuupput siunissaq eqqarsaatigissagaanni.

Paasisinnaavaat qanga nunarput qanoq kiatsigisimanagera, sikorsuarput aattoorpat susoqassanersoq, uumasunullu qanoq sunniuteqarsinnaanersoq.

Unali oqaasia assut eqqarsaatigisarpara...

“vi har brug for flere grønlænder som arbejder inden for dette, om deres eget land”...

Kalaallinimmi sulisussaqaanngilagut.. Kalaaleqaanngilaq sulisumik, ilinniarsimasumik oqariartuuteqarsinnaasoq itinerusumik.

Unali assersuut ataasiinnaavoq...

Namineerlunga aamma apersuinikuuvunga aperialunga.

--“Illit maannakkorpiaq ullutsinnut malinnaasarpit?”..

--“Immaqaluunniit nalunngiliuk susoqarnerseq maani Kalaallit
Nunaanni?”..

Taavalu

--“Allallu inuusuttoqatitit, imaluunniit nalunngisatillu eqqartortarpisigit?”..

Amerlanerit akisarput nammineq aamma nalunerarlugu susoqarnersoq.
Allani nunani susoqarnersoq amerlanerit nalunnginneruaat, **uagut**
nammineq nunatsinninnganniik.

Oqartarpullu eqqartuineq ajorlutik tamakku pillugit...

Eqqartunngippallaarpagut tamakku..

Uagut nammineq malinnaatitsinerusariaqarpugut massakkoqqissaq
susoqarneranik.

Kalaallit nunarput pisariaqartitai iserfigineqanngippata **suullu** ajoqutit
aaqqitassaanersut, qanoq ililluta allannguissagatta?

Isumaqatigiinneq anguniarneqartariaqanngilaq-eqqartueqatigiinnermi.

Kikkut tamarmik isumaqarsinnaatitaapput..

Nakkarsaanata.

Tikkuartuinata.

Unali pingaerneruvoq eqqartuinerulernissaq.. Ajunngitsussaq anguniarlugu.

Namineq akisussaaffik tigullugu..

Eqqartuisaritsi. Isummersortaritsi. Ilisimasaqaleritsilu nunarput pillugu.